

DE REB. METALL.

Templa & turres laminis æneis tecta
in Misena multis in oppidis cernere
est. Aquisgrani in basilica ex ære so-
lido ianuas cancellosq; fecit Carolus
Magnus, vt Eginhardus scribit, & res
hodie testatur. Argentorati ad D.
Mariæ, bifores ianuæ sunt altissimæ,
qua parte turris est illa excelsa. In
Atabyrio Rhodi promontorio erant
æneæ boues, *αὐτινες, ὅταν μέλει ἀρπάγη τοι*
γενέσθαι, μυκάδνι, vt ait Scholiaxes Pin-
dari. In Thuringia à familia nobili
Durgerodia, idolum quoddam æneū
asseruatur, in fundamētis arcis Roten
bergiæ, quæ deserta nunc iacet, inuen-
tum in facello subterraneo: idolū ap-
pellant Pustericum, statura pueri for-
matum: quod manum dextram auri-
culæ dextræ, sinistrā genu sinistro ap-
positam habuit. Intus cæcum est: & a-
qua repletum, atq; igne circundatū,
cum ingenti sonitu aquam illam in a-
stantes instar flamarum euomit. In
Milda Rhetiæ pago, è regione Oeni-
pontis,